

081/11



**BASHKIA
TIRANË**

DREJTORIA E PËRGJITHSHME E PLANIFIKIMIT DHE MENAXHIMIT TË SHËRBIMEVE

Nr. prot. 10353
1

Tiranë 27 / 2015

Drejtuar: Z. Dorian Matlija
Drejtor Ekzekutiv
Qendra "Res Publica"
Adresa: "Blv. Gjergj Fishta" Nd.24, H.3, Ap.44, kati 9,
Tiranë

Lënda: Kthim përgjigje

I nderuar z. Matlija,

Në përgjigje të shkresës suaj, nr. prot. 081/15, datë 29.07.2015, protokolluar në Bashkinë e Tiranës me nr. prot., 10353, datë 31.07.2015, Drejtoria e Menaxhimit të Strehimit dhe Shërbimit Social, ju vë në dijeni se:

Lidhur me pikën e 1, ju informojmë se Bashkia e Tiranës në kuadër të programit të banesave sociale me qira, ka në dispozicion për të shpërndarë **385 apartamente**, që do të përdoren për të strehuar familjet, në vështirësi ekonomike dhe në pamundësi për të blerë apo marrë me qera një shtëpi në tregun e lire.

Ndërkohë, ju informojmë se së fundmi me vendim të Këshillit Bashkiak, të mbledhur më datë 12.07.2018, vendim i cili është ende në proces konfirmimi nga Prefektura e Tiranës, janë miratuar 241 familje, si përfituese për trajtim me strehim në programin "banesë sociale me qera", pjesa tjetër e apartamenteve do të shpërndahen në një fazë të dytë seleksionimi.

Në bazë të ligjit të strehimit nr. 9232, datë 13.05.2004, për "Programet sociale për strehimin e banorëve të zonave urbane" (i ndryshuar), rezulton se në qytetin e Tiranës janë plotësuar nga ana e qytetarëve rreth 10 956 formularë, të cilët i përkasin 11 Njësive Bashkiake të Tiranës. (vlen të theksohet se të dhënat janë sipas programit elektronik të drejtorisë të përpunuara në mënyrë progresive periudha dhjetor 2005 – gusht 2014.)

Për sa i përket zbatimit të programit social të strehimit "pajisje e truallit me infrakstrukturë", ju informojmë se nuk ka patur kërkesa lidhur me këtë program.

Sektori i Menaxhimit të Strehimit përmes vendimit të Këshillit Bashkiak nr. 10, datë 28.02.2013, pika 1.2, shkronja D, si dhe pika 1.1 pika A “Për një ndryshim në vendimin e Këshillit Bashkiak Nr. 43, datë 20.11.2012 për “Miratimin e Sistemit të Pikëzimit për Programin e Subvencionit të familjeve që përfitojnë kredi të lehtësuara nga shteti, Sistemin e Pikëzimit për Programin e Banesave Sociale me Qera dhe Sistemin e Pikëzimit për Bonusin e Strehimit”, ka punuar për vlerësimin e kategorive sociale në nevojë përmes miratimit të sistemit të pikëzimit.

Bazuar në vendimin e sipërpërmendur, komuniteti Rom dhe Egjiptian si dhe familjet që përfitojnë nga ligji nr. 82/2012 “Për miratimin e aktit normativ nr.3, datë 01.08.2012, “Për Lirimin e banesave të pronarëve të ligjshëm nga qytetarë të pastrehë, banues në banesat e ish-pronë e subjekteve të shpronësuar”, janë konsideruar prioritare nga Bashkia e Tiranës dhe janë vlerësuar përkatësisht me 5 pikë dhe 20 pikë në sistemin e pikëzimit.

Përsa i përket aplikimit për gant të vogël në programin social të strehimit pranë Ministrisë së Zhvillimit Urban dhe Turizmit, ju sqarojmë se nuk është kompetencë e Drejtorisë sonë.

Ju falënderojmë për mirëkuptimin.

Drejtoria e Përgjithshme
Taulant Tusha